

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BOSANSKA KRUPA**

GRADSKI ORGAN UPRAVE

Broj:01-04-1197/24

Bosanska Krupa, 7.2.2024.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj:12/03, 34/03 i 65/13), člana 3. Odluke o utvrđivanju standarda i kriterija za imenovanje na upražnjene pozicije u reguliranim tijelima Općine Bosanska Krupa („Službeni glasnik općine Bosanska Krupa,“ broj:12/09) i člana 66. Pravila Javne ustanove „Centar za kulturu, obrazovanje i informisanje“ Bosanska Krupa („Službeni glasnik“, broj: 3-dopuna/14, 5/17, 5/18, 3/19, 5/19, 9/21 i 4/22 i 6/22), Gradonačelnik Grada Bosanska Krupa, objavljuje:

JAVNI OGLAS

za izbor i imenovanje na poziciju predsjednika i članova upravnog odbora Javne ustanove „Centar za kulturu, obrazovanje i informisanje“ Bosanska Krupa

I

Objavljuje se Javni oglas za izbor i imenovanje na poziciju predsjednika i članova upravnog odbora Javne ustanove „Centar za kulturu, obrazovanje i informisanje“ Bosanska Krupa

01. Upravni odbor JU „Centar za kulturu, obrazovanje i informisanje“ Bosanska Krupa:

- članovi3

II

Opći uslovi

- da je stariji od 18 godina,
- da je državljanin Bosne i Hercegovine,
- da je zdravstveno sposoban,
- da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije;
- da nije pod optužbom Međunarodnog suda za ratne zločine (član IX Ustava BiH);
- da nije osuđivani za krivično djelo i privredni prestup nespojive sa dužnošću u reguliranom organu pet godina od pravosnažnosti presude, isključujući vrijeme zatvorske kazne;
- da mu odlukom suda nije zabranjeno obavljanje aktivnosti na poziciji na koju su se kandidirali;
- da nije stariji od 70 godina;
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima;
- da nije član zakonodavne, izvršne i sudske vlasti, prema odredbama Zakona o sukobu interesa u organima vlasti u FBiH ("Službene novine FBiH", broj 70/08);
- da nema privatni ili finansijski interes u reguliranom tijelu u koje se kandidiraju.

Posebni uslovi

- VI ili VII stepen stručne spreme,
- da ima najmanje 1 (jednu) godinu radnog iskustva nakon sticanja diplome,

Prilikom procjene kvalifikacija i iskustava svih kandidata uzet će se u obzir i slijedeće:

- sposobnost za savjesno, odlučno i odgovorno obavljanje pozicije,
- sposobnost nepristrasnog donošenja odluka;
- komunikacijske i organizacione sposobnosti;
- rezultati rada ostvareni u dosadašnjem radu;
- naklonjenost timskom radu.

III

Opis pozicije:

Upravni odbor obavlja slijedeće poslove:

donosi pravila „Centra“, imenuje i razrješava direktora uz saglasnost Općinskog načelnika, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte u skladu sa zakonom I Pravilima „Centra“ uz saglasnost Općinskog načelnika, odlučuje o svim pitanjima obavljanja djelatnosti zbog kojih je „Centar“ osnovan, ako zakonom nije određeno da o određenim

pitanjima odlučuje drugi organ, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa od 10.000,00 KM utvrđenog Pravilima „Centra“, odgovara Osnivaču za rezultate rada „Centra“, odlučuje o prigovoru radnika na rješenje kojim je drugi organ određen Pravilima ustanove odlučio o pravu, obavezi i odgovornosti radnika iz radnog odnosa, podnosi Osnivaču najmanje jednom godišnje izvještaj o poslovanju „Centra“, odobrava projekte istraživanja i prezentacije umjetničkih djela, nalaže preduzimanje posebnih mjera za čuvanje i zaštitu umjetničkih djela, obrazuje stručnu komisiju za predlaganje umjetničkih djela za rashodovanje, daje saglasnost na razmjenu umjetničkih djela, odlučuje o popuni, reviziji bibliotečke građe; utvrđuje način korištenja bibliotečke građe; obrazuje stručnu komisiju za rashodovanje bibliotečke građe, utvrđuje način propagande i popularizacije knjige; odlučuje o udruživanju u zajednicu sa drugim institucijama i organizacijama iz oblasti kulture, vrši i druge poslove u skladu sa Zakonom i Pravilima.

Direktor „Centra“ ne može biti član Upravnog odbora.

IV

Potrebni dokumenti

Potrebni dokumenti (original ili ovjereni kopija) ne stariji od tri mjeseca

- a) prijava na javni oglas sa biografijom (naznačiti adresu i kontakt telefon),
- b) izvod iz matične knjige rođenih,
- c) uvjerenje o državljanstvu,
- d) ovjereni izjava kandidata da u posljednje tri godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- e) ovjereni izjava kandidata da nije pod tužbom Međunarodnog suda za ratne zločine (člana IX 1. Ustava Bosne i Hercegovine)
- f) uvjerenje da kandidat nije osuđivan za krivično djelo ili privredni prestup nespojive sa dužnošću u reguliranom organu pet godina od pravosnažnosti presude, isključujući vrijeme zatvorske kazne,
- g) uvjerenje nadležnog suda da kandidatu nije zabranjeno obavljanje aktivnosti na upražnjenim pozicijama,
- h) ovjereni izjava da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima,
- i) ovjereni izjava da nije član zakonodavne, izvršne i sudske vlasti, prema odredbama Zakona o sukobu interesa u organima vlasti u FBiH ("Službene novine FBiH", broj 70/08)
- j) ovjereni izjava da nema privatni ili finansijski interes u reguliranom tijelu u koje se kandidiraju,
- k) ovjereni kopija diplome,
- l) dokaz o radnom iskustvu.

Imenovani kandidati su dužni dostaviti ljekarsko uvjerenje prije preuzimanja dužnosti predsjednika/člana upravnog odbora JU „Centar za kulturu, obrazovanje i informisanje“ Bosanska Krupa" ne starije od dva mjeseca.

Javni oglas ostaje otvoren 14 dana od dana objavljivanja u „Službenim novinama Federacije Bosne i Hercegovine“, dnevnim novinama „Dnevni list“, web stranici Grada.

Rok za podnošenje prijave računa se prema datumu objave oglasa u Službenim novinama FBiH.

Potrebne dokumente dostaviti putem pošte ili lično u pisarnicu Grada Bosanska Krupa na adresu:

**Grad Bosanska Krupa Komisija za izbor
Terzića bb, 77 240 Bosanska Krupa
sa naznakom za**

„Javni oglas za izbor i imenovanje na poziciju predsjednika i članova upravnog odbora
JU „Centar za kulturu, obrazovanje i informisanje“ Bosanska Krupa" - NE OTVARAJ

Nepotpune i neblagovremene prijave neće se uzimati u razmatranje.

GRADONAČELNIK
Armin Halitović

Dostaviti:

1. „Službene novine FBiH“,
2. Dnevne novine „Dnevni list“,
3. Za objavu na web stranici Grada,
4. Oglasne ploče Grada,
5. U spis,
6. a/a.